


05-04/06

BOSNA I HERCEGOVINA FEDERACIJA BOSNE I HERCEGOVINE UNSKO-SANSKI KANTON MINISTARSTVO UNUTRAŠNJIH POSLOVA		BOSNIA AND HERZEGOVINA FEDERATION OF BOSNIA AND HERZEGOVINA THE UNA-SANA CANTON MINISTRY OF THE INTERIOR
---	---	--

UPRAVA POLICIJE

Broj: 05-04/06-11-231 /23/RS

Datum: 02.03.2023. godine

Na osnovu člana 17. stav (1), člana 18. stav (1), člana 87. i člana 90. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj: 13/16 i 16/17), Pravilnika o postupku direktnog sporazuma MUP USK-a („Službeni glasnik USK-a“, broj: 1/15) i Privremenog plana javnih nabavki Uprave policije MUP USK-a za 2023. godinu, načelnik Sektora kriminalističke policije Uprave policije MUP USK-a **donosi**:

**ODLUKU**

**o pokretanju postupka nabavke putem direktnog sporazuma**

Član 1.

Odobrava se pokretanje postupka javne nabavke usluga – usluge povezane sa programskom podrškom (održavanje i podrška za robno - materijalno knjigovodstvo, finansijsko knjigovodstvo i ljudske resurse) za potrebe Uprave policije MUP USK-a u toku 2023. godine.

Član 2.

Procijenjena vrijednost javne nabavke bez PDV-a iznosi do 6.000,00 KM (slovima: šest hiljada i 00/100 KM). Za provođenje ove javne nabavke sredstva su obezbjeđena Odlukom o privremenom finansiranju USK-a za period 01.01.-31.03.2023. godine, broj: 01/1-02-45-2/23 od 25.01.2023. godine.

Član 3.

Postupak nabavke putem direktnog sporazuma sprovest će se zaključenjem ugovora sa ponuđačem za predmetnu uslugu zbog toga što je procijenjena vrijednost nabavke veća od 1.000,00 KM u skladu sa Pravilnikom o postupku direktnog sporazuma MUP USK-a („Sl. glasnik USK-a“, broj: 1/15).

Oznaka i naziv iz Jedinstvenog rječnika javne nabavke (JRJN):

72260000-5 Usluge povezane s programskom podrškom

Postupak javne nabavke provest će se u skladu sa Zakonom o javnim nabavkama Bosne i Hercegovine („Sl. glasnik BiH“, broj 39/14 i 59/22), podzakonskim i internim aktima.

Član 4.

Za izvršenje ove Odluke zadužuje se Sektor za materijalno - finansijske poslove i informacijsko - komunikacijske tehnologije, Odsjek za materijalno opremanje i komercijalne poslove.

Član 5.

Ova Odluka stupa na snagu danom donošenja.

**O b r a z l o ž e n j e**

U postupku rješavanja nabavke usluga – usluge povezane sa programskom podrškom (održavanje - preventivne intervencije, podrška – korektivne intervencije) utvrđeno je da je predmetna nabavka osnovana i da sadrži sve potrebne elemente za odlučivanje. Predmetna nabavka je predviđena u Privremenom planu javnih nabavki Uprave policije MUP USK-a za 2023. godinu broj: 05-04/06-11-226/23/RS od 28.02.2023. godine pod rednim brojem 12. Usluge povezane s programskom podrškom.

Pri donošenju ove odluke Uprava policije MUP USK-a se posebno rukovodila činjenicom da je neophodna nabavka usluga povezanih sa programskom podrškom (podrška i održavanje softvera - modula) i ažuriranjem podataka za robno - materijalno poslovanje, finansijsko poslovanje i ljudske resurse.

Predmetna nabavka je realno procijenjena s obzirom na utrošena sredstva za ovu vrstu nabavke u prethodnim godinama.

Na osnovu utvrđenog činjeničnog stanja, odlučeno je kao u članu 1. ove odluke.

Dostavljeno:

1. Sektor za mat.-fin. poslove i IKT- za objavu
2. Sektor za finansijsko-računovodstvene i analitičke poslove MUP USK-a
3. a/a

